

永樂大典

228565



卷〇三九五二 神字

卷〇三九五三 神字

卷〇三九五四 神字

卷〇三九五五 神字等



永樂大典卷之二千九百五十二 九真

神

唐王維詩涼州賽神 涼州城外少行人百尺峯頭望虜塵健兒擊鼓吹
羌笛共賽城東越騎神李端詩江上賽神 疎鼓應繁絲送神歸九疑蒼
龍隨赤鳳帝子上天時驟雨歸山疾長江下日邊獨將遊宦子今夜泊天
涯韓昌黎集賽神 白布長衫紫領巾差科未動是閑人麥苗含腹桑生
葉共向田頭樂社神王建詩賽神曲 男抱琵琶女作舞主人再拜聽神
語新婦上酒勿辭勤使爾舅姑無所苦椒漿湛湛桂座新一雙長箭繫紅
巾但願牛羊滿家宅十月報賽南山神青天無風水復一作換碧龍馬上
鞍牛服靛紛紛醉舞踏水雲把酒路傍勸行客李嘉祐集夜聞江南賽神
即事 南方淫祀古風俗楚姬能唱迎神曲鎗鎗銅鼓蘆花深寂寂瓊筵
江水綠兩通風清洲渚開椒漿醉畫迎神還一作神欲還帝女凌空下湘
崖若君隔浦向堯山月隱回塘猶自舞一門依倚神之祐韓康靈藥不復
長安多事一曾莫觀逐客臨江空自悲月明流水無已時聽此迎神送神

由於縣獄平屈原祠元撰詩賽神 村落事妖神林木大如村耒來三十
載巫覡傳子孫村中四時祭殺盡鷄與豚主人不堪命積瘡曹欲燔旋風
天地轉急雨江河翻採薪持斧者棄斧縱橫奔山深多掩映僅免鯨鯢吞
主人集隣里各持酒躡廟中再三拜願得木稼存去年大巫死小覡又
妖言邑中神明宰有意効西門楚除計未決伺者迭乘軒廟深荆棘厚但
見狐兔躡巫言小神變可驗牛馬蕃邑吏齊進說幸勿禍鄉原踰年計不
定縣聽良亦煩涉夏祭時至因令脩四垣憂虞神憤恨王帛意彌敦我來
神廟下簫鼓正喧喧因言遠妖術滅絕由本根主人中罷舞許我重疊論
蜉蝣生濕處鷓鴣集黃昏主人邪心起氣焰日夜繫狐狸得蹊徑潛穴主
人圍腥臊襲左右然後託丘樊歲深樹成就曲直可輪轅幽妖盡依倚萬
恠之所也主人一心好四面無籬藩命狐執斤斧恠木寧遽髡主人且傾
聽再為諭清渾阿膠在末派罔象游上源靈藥遠巡盡黑波朝夕噴神龍
獸流濁先伐鼉與鼉鼉在龍穴妖氣常鬱溫主人惡淫祀先去邪與憎
憎邪中人意盡禍蝕精魂德勝妖不作勢強威亦籌計窮然後賽後賽復
何恩 楚俗不事事巫風事妖神妖結妖社不問踈與親年年十月暮
珠稻欲垂新家家不歛獲賽妖無富貧殺牛賁官酒推鼓集頑民喧闐里

閨隘光醺日斯頻歲暮雪霜至稻珠隨隴湮吏來官稅迫求質倍稱絀貧者日消鐸富亦無倉囤不謂事神苦自言誠不真岳陽賢刺史念此為俗地未可一朝去俾之為等倫粗許存習俗不得呼黨人但許一日澤不得月與旬吾聞國僑理三年名乃振巫風瘴原久未必憐徙薪我來歌此事非獨歌政仁此是四隣有亦欲聞四隣劉夢得詩陽山廟觀賽神梁松南征至此遂為其神在朗州漢家都尉舊征蠻血食如今配此山曲蓋幽深

蒼檜下洞蕭愁絕翠屏間荆巫脉脉傳神語野老婆娑啓醉顏日落風山廟門外幾人連路竹歌還宋陸游謂南集賽神曲擊鼓坎坎吹笙鳴鳴綠袍槐簡立老巫紅衫繡常舞小姑烏臼燭明蠟不如鯉魚糝羹出神厨老巫前致詞小姑抱酒壺願神來享常瞻娛使我嘉穀收連車牛羊暮歸塞門閭鷄驚一母生百鷄歲歲賜東年年蠲租蒲鞭不施園土空虛求草作官但形模刻木為吏無文書淳風復還羲皇初繩亦不結況其餘神歸人散醉相扶夜深歌舞官道隅叢祠千歲臨江渚拜觀今年那可數須晴得晴雨得兩人意所向神輒許嘉禾九穗持上府女巫雙雙遙歌舞鳴歌謳坎坎鼓香煙成雲神降語大觥如槃牲膾肥再拜獻神神不違晚來人醉相扶歸蟬聲滿樹鳴斜暉歲熟鄉鄰樂展良祭賽多荒園拋鬼飯

高机置神鵝村人謂祭神之牲為神猪神鵝人散叢祠寂巫歸醉醺醺
鵝更堪笑鳴噪下庭柯落日林間蕭鼓聲村村禱社祝西成扶翁兒大
兩鬢髧溉水渠成千耦耕家受一屋修本業鄉推三老主齊盟日聞淮穎
歸王化要使新民識太平范石湖大全集樂神曲豚蹄滿盤酒滿盃清
風蕭蕭神欲來願神好來復好去男兒拜迎女兒舞老翁醺香笑且言今年
田家勝去年去年解永折租價今年有衣著祭社元舒岳祥避地蒙樂神
曲汙田稻子輸官糧高田豆角初上場楓林沉沉誰打鼓農家報本秉
祈禳打鼓打鼓急打鼓大巫邀神小巫舞絳衫綉帔朱冠裳手持鈴劍道
神語前年軍過難柵空今年一母生十雄剛東種林獲頗厚大甌炊糲甕
成酒家機白布闊且長翁媪製作新衣裳再拜奠神重的酒男耕女桑十
倍強大婦小婦別有祝生養好男房計足巫公巫公告爾神產穀不如多
產銀驢載馬馱車碌碌免所拓條行塞扑玄虛吟蒙賽神笙蕭喧士女
笳鼓亂迴風畫道迎神會應祈此歲豐國朝宋濂蘄山集賽神曲彤
光曉射天門東鴻龍王狗有路通巫娥傳芭向筵舞華衣聞春猩血紅神
席欄欄王作瑱帝車殷殷雲為鞠彎河秋白政愁人綠毛花使傳遠信來
如奔電去颿馳倏陰忽陽不可知羽林星中五千騎手執戟技擔翠旗西

山鬼雄白銀甲嘯呼陽候海將壓祝神礫之向九阰鳩眠樺樹看人耕唐
李建勳詩迎神曲 楓巒罷吟塞笛女巫結束分行立空中再拜神具來
滿奠椒漿齊獻揖陰風宰宰吹紙錢妖巫瞑目傳神言與君降福爲豐年
莫教賽祀虧常筵王敬詩迎神 蓮草頭花柳葉裙蒲葵樹下舞蠻雲引
領望江遙滴酒白蘋風起水生文司空曙詩迎神詞 吉日兮臨水沐青
蘭兮白芷假山鬼兮請東皇託靈均兮邀帝子吹參差兮正苦舞婆娑兮
未已鸞旌圓蓋望欲來山雨霏霏江浪起神既降兮我獨知自成再拜爲傳
詞司空曙詩送神曲 神之去迴風嫋嫋雲容與桂樽瑤席不復陳蒼山
綠水暮愁人 魚山送神曲 紛進拜兮堂前目眷眷兮瓊筵來不語兮
意不傳作暮雨兮愁空山悲急管思繁絃靈之駕兮嚴欲旋倏雲收兮雨
歇山青青兮水潺潺 送神 張振山響答琵琶酒濕青莎肉飼鷓鴣樹葉
無聲人去後紙錢灰出木繇花皇甫冉詞迎神詞二首并序吳楚之俗與
巴渝同風日見歌舞祀者問其故荅曰及夏不雨慮將無年復云家有行
人不歸憑是景福夫此二者皆我所懷寄地種苗將成枯草第爲臺官羈
旅京師秉筆爲迎神送神詞以應其聲亦寄所懷也 迎神 啓庭戶列
芳祥目眇眇心轅轅因風託雨降瓊筵紛下拜屢加遺人心望歲祈豐年

送神

露霑夜月隱壁氣淒淒人寂寂風迴兩度瑶席來無聲去無迹

神心降和福遠客王維集魚山迎神曲坎坎擊鼓魚山之下吹洞簫望

極浦女巫進紛屢舞陳瑤席湛清醑風淒淒兮夜雨神之來兮不來復使

我心兮苦復苦宋清江三孔集常山四詩并序熙寧六年之仲冬太守

以早有事于常山平仲職在學校不預祭祀太守以常山密之望而太守

出城為非常故帥以往平仲既不辭又不敢無言以助所請也作迎神酌

神禱神送神四詩以畀祠官迎神木槭槭兮若有聞風回回兮吹塵

神之來兮何暮斗斜月落兮夜將向晨跪捧香兮謹以俟父注目兮山雲

酌神不敢告勞兮山之盤盪祀事孔修兮誠心亦殫陳青羞兮堂下奠

旨酒兮石之間神庶熒兮享此既醉且飽兮留聽余言禱神歲且大

旱兮田事甚荒疫癘將作兮火菑流行循神之名兮其德有常靈鑒不遠

兮昭此忱誠出雲洩洩兮零雨其零庶熒此民兮不乏棗威送神巫

僮儂兮告神將歸屏息再拜兮儼若初來神之樂兮游衍風為車兮雲為

折槁者待蘇兮瘠者需肥自今以往兮余日望之長流天地間集陳泰洞

庭迎送神歌四首我歲晏兮此行難維舟兮洞庭詰靈君兮神宇女巫

進兮告情繫鼓兮坎坎心馳兮目短靈惝恍兮有無思我虔兮毋遠脩

門兮延佇靈將動兮私語群龍兮吹雲弄大橋兮樹羽擊鼓兮咽咽靈蹤
兮飛旋出玉珥兮玄服映絃綫兮華鼓紛進拜兮主臣心夷猶兮平陸
我所悅兮霞觴儼將進兮翱翔盼靈光兮怵惕靈衛我兮清揚醴酒兮苾
椒荃蕙兮為穀靈飲此兮宜壽配南箕兮參北斗兮介下土兮景福脩皇風
兮永久 蹇既醉兮日莫綠煙生兮南浦靈之回兮彤裳雉為文兮炳重
幽樞兮閉夕窺窕兮望不極耿誰告兮靈辭危勞汝兮余思湘之濱兮有芷
候南風兮來歸陸渚南集絕句十二首 已巳秋七月不雨人心焦然迺
戊午齋宿致城隍清源渠渡龍君菴山丘神于州宅以禱始至雨洒塵自
是間微雨輒隨閣旱氣轉深苗且乾稿要神弗復某憂懼不知所出越癸
亥日亭午率郡僚吏申禱于庭未移頃雨大至菴揖呼舞皆曰神之賜也
某既拜跪又明日以神歸念無為神報者乃作送神之詩七章以侈神功
且又以祈焉 休休早稻已焦卷晚稻搖風更可憐枯盡百源無一滴老
龍何處卷雲眠 幾度看雲眼欲穿不應氣數總關天去年兵又今年旱
守也於民自寡緣 五神莘止足精神迅發風連一欠伸能事莫嫌相迫
促門前多少望霓人 老火尤驕氣蘊隆爐香爇罷日方中片雲忽卷天
河落頃刻難名造化功 神祐恭惟及物深中間感應妙精授要知感處

還為感終始惟當秉一心 眼前物意頻昭蘇未省郊原徧也無更覺洗
車三日雨普教大地活焦枯 龍輶欲駕已多時父老遽留一日遲秋菊
寒泉何以報精勤更寫送神詩黃應龍壁林某迎神詞台州善利真人祈
雨作真人福地金庭宮身佩含景蒼精龍坐朝五岳位顯崇威儀衛從行
虛空杳眇濁世塵冥濛神符道契浮丘公英爽瑩澈表裏融條忽飛馭凌
剛風鳳凰承翼聲雖難胎德舞導游方蓬帝閔赤子顛崖中旱乾水溢瘼
誰憫分司百靈前豐隆瓊臺琳宇環奇峯時駕玉輅滄溟東邇來烈日勢
蘊隆稻苗若枯病我農字民所覲惟年豐九關虎守呼莫從高真慈念亟
感通天瓢一灑神馬駿嘉惠千里成天工靈貺億載垂無窮崔宮教集楚
州龍廟迎享送神辭 紹興辛巳金人來寇嘗以銳師樓船蔽海而下欲
以奇襲我將臣李寶受命迎拒既下海即沉牲醢酒禱龍神而行事還具
上神之詭異以請于朝天子既推功不居報禮上下則惟有神之功厥尤
彰灼下其事淮南漕司擇俸海地建廟乙丑三月楚州鹽城縣告廟成漕
當以上命往祭某既以漕檄為文又私自作迎享送神辭三章遺縣令使
歲時歌以祀之君之來兮殊廷雷隆隆兮雨冥冥從天吳兮罔象紛萬恠
兮如雲若有妖兮震奔沛吹逆浪兮揚殪腥援天矛兮下討披蒙霧兮祥

氛地平天靜兮日月清夷我民蒙福兮萬平報事 辛楣兮薌房蘭研兮
桂楹翼翼兮新宮穆將進兮芳馨栢實兮松液芝華兮若英真瓊華兮清
醑玉蛆析兮嘉桂雅聲兮遠姚緜和平兮鼓鍾紛繁會兮字笙靈連蜷兮
湏搖儗暗藹兮紛紜潔我心兮恭奉靈欣欣兮燕寧 君之去兮朱宮東
飛雲兮御迴風貝闕兮豐敞金臺鬱兮穹隆珠胎兮炫曜周玉樹兮青蔥
天琛兮水碧衆寶華兮玲瓏良辰兮高燕命馮夷兮展舞鳴鯨兮海童群
仙兮良侍君肯臨兮尚春容君不我留兮我心忡忡眇清思兮聊聊惠我
民兮盍終元王景初蘭軒集文孝王廟迎送神詞 天門晚兮玉鎖開朝
萬靈兮君始來駕雲車兮衆風馬君無爲兮久徘徊衆精誠兮薦丹素我
民籲兮君所哀嗟芳兮玉醑山吟兮水舞神樂兮民勸祀益隆兮千古靈
宮峨峨兮山之幽神方樂兮胡不少留簫鼓咽兮樽俎徹松桂悲吟兮山
水愁保康寧兮驅厲疫終千古兮荷神休程端禮畏靈集台州章安土神
趙侯廟靈甚侯名炳東漢時人事見漢書迎神送神樂歌三章 侯遊兮
何許上賓兮帝所巫覡兮屢舞侯不來兮延佇望東廡兮何極水冥冥兮
天碧張高蓋兮渡險隘音並覽章安維侯宅 侯拜節兮茲堂色腥厲兮
心不康賜東流兮脯桑柳容與兮周章侯之生兮龍光攬日月兮闔闔陰

陽行百谷兮厲鬼避藏生我民兮不大殤令何為兮汝傷民何為兮不忘
侯去兮勿坐覽九土兮焉適租高辛兮伯益大火故墟兮不食侯無我
遺兮昭事無教漢書本傳侯為章安令所殺王逢語漢集秦孝友先生迎
享送神辭有引先生諱王字德卿少游之裔受學于蛟峰方公隱居崇明
淑門弟子若干人先生卒門弟子以行業私謚孝友請祠于州庠其子崇
德儒學教授約微迎享送神辭于遂辭曰海東隅兮三州宅龜龜兮蛟
龍湫羗聲教兮邈悠靈斯藏兮道斯脩道不行兮長邁祠學宮兮子孫永
賴日薄渚兮風林鳴如聞音兮警欬楚葵青兮靡靡杜甚肥兮酒甚旨蛟
白駒兮疾馳儼衣冠兮辰止有聖賢兮依歸川魚泳兮鳥雲飛靡潛伏兮
弗昭著靈自今兮欽孰遠唐李義山集明神詩明神司過宜令寃暗室
由來有禍門莫為無人欺一物他時須慮石能言廣利王女詩嘗漢神歌
一首山勢縈回水脉分水光山色翠連雲四時盡入詩人詠役殺吳興
柳使君元鎮長慶集廟之神我馬煩兮釋我車廟之神兮山之阿余一
拜而一祝祝余心之無涯淚汎瀾而零落神寂默而無譁神兮神兮余一
之寂默而不言何復再拜而再祝鼓吾腹兮歌吾歌歌曰今耶古耶有耶無
耶福不自神耶神不福人耶坐爾惑耶稔而誅耶謁不得耶終不可謁耶遂

吾駕而遵吾道廟之木兮山之花宋呂居仁詩往歲在白沙見江上往來
祠神者殺猪羊鵝鴨日夕相屬也有感於心後至濟陰因成長韻當記白
沙故人授之廟前庶幾神少知自戒乎 今日殺一羊明日殺一猪問神
何所樂而必為此歟羊免喋無聲猪死足號呼傷哉鵝鴨閉目頭已朱
問神此何負神亦何所取吾知斯民愚非是神所許江船一帆風江田一
犁雨民或謝神勞尚使相告語但來澗溪毛足以薦宦官何須汚刀几而
後羞鼎俎於物固無怨於神亦無苦更令嗚鳴歌時送坎坎鼓庖行之省
齊集和阻風潛江以詩禱神 江行幾日風打頭江上客子添牢愁人言
水神喜作崇客欲精禱姑離舟平生結習口語業篇詩敢告渡神休欣然
回首領此意一息千里聊來流遶雲詩樂神 夷人事神正自醺山頭
水邊與神樂大巫脫衣手搖鐸群兒伐鼓更鳴角青山隱隱神欲歸湘水
灘灘日脚西小大酣歌向山棲神羹滿盞均汝釐清漳集蔡如松九侯山
神詩 甚矣作圖經者之謬而好為神恠以駭愚民也如此吾漳蔡懷恩
南有山聳起九峯上有神祠世謂之九侯山神作圖經者為之說曰夏禹
庶子少康封于會稽子孫九人流死於此又為之說曰九侯神者鬼侯也
山有鬼侯城自今觀之若以為少康真禹之庶子耶左氏哀公元年曰昔

有過澆殺斟灌以伐斟鄩滅夏后相后緣方娠逃出自竇歸于有仍生少
康焉孔穎達曰計大康失邦及少康失國尚有百載是少康焉后相之子
非禹之庶子明矣子孫九人流而為神於傳無見焉若以為真鬼侯之祀
耶史記紂為無道以西伯昌九侯鄂侯為三公九侯有好女入之紂九侯
女喜淫紂怒殺之而醢九侯徐廣曰九侯一作鬼侯鄂縣有九侯城鄴縣
者今邯鄲也邯鄲去漳僅萬里不應有城於此而為神也此蓋山之九峯
各有神主之如今廣州南海廟達奚司空等謂之九侯是也嗟乎堯舜三
代之神見於南方者自零陵舜祠之外惟道州有鼻亭神乃象之祠唐元
和九年河東薛公刺道州惡其為子則傲為弟則賊非化人之意斥去之
執謂漳僻遠而有三代之神乎為作詩以辨疑 誰言少康真禹子九孫
九人流到此誰言鬼侯遭紂虐冤魂至今靈故壘誕哉二說大荒唐未識
根原有初始我曾南自五年回杖屨空山問遺址數間古屋傍林樹一簇
偶人皆劍履斷碑仆地蒼蘚沒滿庭落葉秋風起歲時伏臘走村翁藤鼓
買酒烹羊黍粢巫擊鼓細吹角整日歌呼乞新社飢烏攫肉舞盤間野蝶
尋馨投蠶裏愚民驚怖相駭誕巧轉莖實繁俗耳那知三代去已遠鬼神
豈肯歆非祀漳川遐僻在窮閭北去中州幾萬里從來不及風馬牛廟食

胡馬而至是盪觴曲士妄穿鑿滿教妖狐因倚恃虛煙吹霧作精變歷古
冥冥無辨理何當濟會狄梁公為我東時皆斥毀中興江湖集曾肇詩跋
神擊牲釀酒薦明燭釘果菜香婢僕專揀米作糜分饗梳折軍為著插
芳筵兒驚庖下添烹肉神笑人間用紙錢巫祝謂知來歲事玆瑣猶有暫
特權周南仲山房後集隨太守送神歸有感詩 泌水洋洋可樂飢強尋囊
粟止兒啼自憐蠹簡為儒誤也逐鳴笳到佛祠文字不堪供吏役時方供
帝祀文姓名漸喜少人知一厘未辦歸耕計坐看槐堂綠蔭移詠史詩郭
汾陽女許橋神唐乾渠子郭汾陽鎮蒲欲造浮橋而敗血戰殲公敵酒許
以小女妻之是夕水回木生岸上遂成橋而小女尋卒因塑廟中人因立
公祠號河濱親家翁汾陽蒲鎮造浮橋女許橋神水患銷河濱親家從此
號正人夫宜自興妖 陳茂呵水神東都時陳茂一日航海至中流大風
起渡海洶湧茂端坐舟中拔劍大呼風浪自息遂濟東都陳茂海航時載
爾陽侯敢肆欺拔劍一呼風浪息犬賢行處有天隨姜特立梅山集海上
獲捷禱於廟神王公方交關間賊桅忽倒赴水死者大半後請于朝賜額
靈惠 直駕樓船擒賊梟金盤一擲萬人開何當為奏褒封典醴酒封羊
亦快哉李陵鴈鳴集其神詩 山頭多少往來人香火爭光瓦鼎焚蕭

鼓下山人漸遠晚風吹起一溪雲吳萊淵彌集北方巫者降神歌 天深
洞房月漆黑巫女擊鼓唱歌發高梁鐵燈懸半空塞向墻戶跡不通酒肉
滂沱靜几席筆芭朋指淒涼霜風暗中鏗然那敢觸塞外妖神喚來速隴坻
水草肥馬群門巷光輝耀狼羆棄家側耳聽語言出無入有凌崑崙妖狐
聲音共叫嘯健鶻影勢同飛翾脫故王大獵處燕支廢墳黃沙樹休屠
收像接秦宮千闌請騶閑漢路古今世事一渺茫楚機越女幾災祥是那
非邪降靈場麒麟被髮跨地荒北磻禪師集王侍守治生鬼神徐提點
日月何私等照臨坦然明白洞幽陰其餘不信信諸已所以無求求放心
妖可擊蛇惟笏在河當娶婦遣巫沈不知今夕復何夕起我懋姦誌恠吟
元董嗣果廬山集武康姓丁人號生鬼神合邑騷動 世降多淫祀時荒
扇盜區妖丁肆荒誕結甲走昏愚揭幟營祠廟推鐸調市衢大夫清似水
勦絕莫踟躕宋白子西詩謁龍泉神 危徑盤紆入紫氛香林遶與世塵
分誰知今古山前雨盡是朝昏石上雲溪暗碧泉和月見洞深幽鳥隔花
聞我來神在無蕭鼓松下惟香一炷焚陸游渭南集致齋監中夜與同官
縱談鬼神效宛陵先生體 五客圍一爐夜語窮幻恠或誇雷可斫或笑
鬼可賣或陳混沌初或及世界壞或言脩羅戰百萬起踞眦餘談恣搜抉

所出雜細大風雲隨皮憤幽坎窺鐵械群號起古聚孤泣出空解妖狐冠
觸體掩袂弄姿態空轉伏逸因夜半出竊嘖雖云多聞益頗犯綺語戒不
如姑置之授枕休困德明當掛祠永僕僕愁丞拜十一月二十七日夜
分披衣起坐神光自兩皆出若初日室中皆明作詩志之靈府無思踵
息微神光出皆射窻扉大冠長劍竟何有尺宅寸園今始歸憂患過前
夢事功名自古與心違三峯二室煙塵靜要試霜天擲葉承曾憶頗說有
神降於鄭絳家吟詩曰忽然湖上片雲飛不覺舟中雨濕衣折得荷花渾
忘却空將荷葉蓋頭歸晉陶淵明集神釋詩大鈞無私力萬理自森著
人為三才中豈不我以故與君雖異物主而相依附結託善惡同安得不
相語三皇大聖人今復在何處彭祖壽永年欲留不得任彭祖姓篋名鏗
顛頑玄將進雖貴於龜兔封於彭城歷夏經殷至周年八百歲老少同一
死賢愚無復數日醉或能忘將非促齡具立善常所欣誰當為汝譽甚念
傷吾生正宜委運去縱浪大化中不喜亦不懼應盡便須盡無復獨多慮
鶴林曰人為三才中豈不我以故我神自謂也人與天地並立而為三以
此心之神也若塊然血肉豈足以並天地哉末縱浪大化中四句是不以
死生禍福動其心泰然委順泰神之道也淵明可謂知道之士矣貴賤賢

愚莫不營營以惜生斯焉感焉故陳陳形影之書言神釋自然以釋之
好事君子共取其心焉宋蘇東坡集和陶潛神釋詩 二子本無我其初
因物著宜惟老變衰念念不如故知君非金石安足長託附莫從老君言
亦莫用佛語仙山與佛國終恐無足處甚欲隨陶公移家酒中住醉醒要
有畫未易逃諸數平生逐兒戲處處餘作具所至人聚觀指目生毀譽如
今一弄火好惡都焚去既無負戴勞又無冠屨懼仲尼晚乃覺天下何思
慮冥明可湖山集和神釋詩 人生稟一氣自微而至著不問富與貧不
論新與故自有形影初我便相親附二子既有言我寧無一語汝形未生
時影復在何處偶與我有緣同生復同住幸我所依人造理仍知數身雖
未溘然已辨周身具得酒即忘懷寧復顧毀譽醒即看雲眠目送孤鴻去
我亦得安閑不憂還不懼說與二子知莫為身外慮元郝經陵川集和神
釋詩 出入生死間妙物不自著物物弗為物超然變新故二子一醺鷄
羊負相胥附成壞不在已安用相告語元陽初化時靜一是存處在在塵
方所悠悠無定住陶老信達者得失委命數全人乃遠形種林修釀具一
醉樂有餘陶然忘毀譽醉夢曾弗辨叮咛都削去既不將不迎亦何憂何
懼能逃世上名宜有身後慮董中洲詩和神釋 天運無停機萬象自昭